



Cuira, ils 28 da favrer 2018/lc/Bu

communitgà: 28.03.2018

DISPOSIZIUN

Approvaziun da signals da prescripziun e da precedenza Art. 3 al. 3 e 4 LTV ed art. 7 al. 1 e 2 LitLTV

6.130

Cun las brevs dals 14 da zercladur 2017 e dals 24 da november 2017 ha la vischnanca da Lumnezia supplitgà la polizia chantunala dal Grischun da pudair introducir las suandantas restricziuns da traffic.

Il post da servetsch "tecnica da traffic" da la polizia chantunala dal Grischun ha examinà las dumondas ed accepta quellas.

Sa basond sin l'art. 3 al. 3 e 4 da la lescha federala davart il traffic sin via (LTV; CS 741.01), sin l'art. 7 al. 1 e 2 da la lescha introductiva tar la lescha federala davart il traffic sin via (LitLTV; DG 870.100) sco er sin l'art. 4 da l'ordinaziun tar la lescha introductiva tar la lescha federala davart il traffic sin via (ORtLitLTV; DG 870.110)

dispona la polizia chantunala dal Grischun

1. Restricziuns da traffic tenor l'ordinaziun davart la signalisaziun da las vias (OSV; CS 741.21) sin il territori da la vischnanca da Lumnezia:

Pais maximal 18 t (sig. 2.16)

- Cumbel, davent dal lavuratori communal en direcziun da Morissen
- Cumbel, tranter Gudigliel (spartavias da la via chantunala Cuschnaus) e Pluttiala (Cumbel) fin tar la via chantunala
- Cumbel, davent da Crest La Geina fin Plaun Rueun (plazza da grillar)

- Vella, davent da Bual en direcziun da Lumbrein / Morissen
- Vella, davent da Denter Uauls en direcziun da Crusch / Triel e da Lumbrein / Morissen
- Vella, davent da Davos Caplan fin Morissen (Pardatsch)

- Morissen, davent da Naus en direcziun dad Uaul Pign e da Vella / Lumbrein
 - Morissen, davent da Curoms (parcella 3089), en direcziun da Sogn Carli
 - Morissen, Curoms (parcella 3089), en direcziun da Cumbel

 - Degen, Via Davos Munts, davent da Surval en direcziun da Lumbrein / Morissen
 - Degen, tranter Vattiz e Degen, davent da la baselgia da Vattiz
 - Degen, Sut Rumein davent da la via chantunala / Quadra davent da la fin da la zona da construcziun / Degen Dado davent da la fin da la zona da construcziun, mintgamai en direcziun da la piazza da ballape

 - Vignogn, davent da Cudriala fin Uresa / Pedra
 - Vignogn, Via Sumaseras, davent dal bain puril Casanova en direcziun da Lumbrein / Morissen
 - Vignogn, Prau Grond, davent dal bain puril Andreoli en direcziun da Lumbrein / Morissen
 - Vignogn – Degen, tranter las chapluttas Sogn Gudegn e Sogn Vetger

 - Lumbrein, davent dal lavuratori communal en direcziun da Vignogn / Morissen
 - Lumbrein, Serenera – Clavau Grond
 - Lumbrein, Pars davent da la via chantunala en direcziun da Curtinatsch / Foppas

 - Vrin, Via Prada davent da Crusch
 - Vrin – Surin, davent da Sutvitg
 - Vrin, Via Puzzatsch davent da S. Giusep

 - Suraua, Surcasti davent da la stalla da Balzer Derungs (parcella 905) en direcziun da Silgin
2. La limitaziun dal pais maximal permess ha lieu sin basa da la brev da la firma Collenberg inschigniers S.c.r.l., inschigniers dipl. HTL/FH, Caplutta 8A, 7148 Lumbrein dal favrer 2018. En questa expertisa vegni confermà che las vias èn adattadas mo per in pais maximal da 18 tonnas.

 3. Las disposiziuns dals 7 d'october 2013 da la vischnanca da Lumnezia, dals 17 da fanadur 2000 da l'anteriura vischnanca da Vignogn, dals 21 da november 1997 da l'anteriura vischnanca da Degen, dals 17 da mars 1994 da l'anteriura vischnanca da Vella e dals 11 da zercladur 1982 da l'anteriura vischnanca da Lumbrein vegnan abolidas.

 4. L'autorità communal da Lumnezia vegn incumbensada da publicitar uffizialmain questa disposiziun en l'organ da publicaziun communal e da menziunar la pussaivladad da prender posiziun entaifer 30 dis. Suenter la rectificaziun d'eventualas objecziuns prenda la vischnanca la decisiun politica. Tenor l'art. 107 al. 1 da l'ordinaziun davart la signalisaziun da las vias (OSV; CS 741.21) sto la vischnanca publicitar il conclus en il fegl uffizial chantunal ed inditgar ils meds legals correspondentes per recurrer a la dretgira administrativa dal chantun Grischun (art. 49 al. 1 lit. a da la lescha davart la giurisdicziun administrativa [LGA; DG 370.100]).

5. Las mesiras entran en vigur suenter la scadenza dal termin legal da recurs cun montar la signalisaziun correspondententa.
6. La signalisaziun vegn montada en enclegientscha cun la polizia chantunala dal Grischun, post da servetsch "tecnica da traffic".
7. Communicaziun a la vischnanca da Lumnezia, 7144 Vella, al post da la polizia chantunala ed a la basa da la polizia da traffic Glion, 7130 Glion.

POLIZIA CHANTUNALA DAL GRISCHUN
SCHEFFA DA LA POLIZIA DA TRAFFIC



Maiora Barbara Hubschmid